



Aqqaluaq B. Egede /
Inatsisartunut ilaasortaq, Inuit Ataqtigiit

Saviminilerinermik ilinniarfik pillugu - § 37 naapertorlugu apeqqummut akissut

Asasara Aqqaluaq B. Egede,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfignissavakka.

15-01-2019
Suliap normua. 2019 - 326
Allakkat nr. 9732890

Postboks 1029
3900 Nuuk
Oqarsasuaat: +299 34 50 00
Email: ikiin@nanoq.gl
www.nanoq.gl

1: Saviminilerinermik ilinniarfik qaqugu Sisimiunut nuunneqassava?

Akissut: Aningaasanut inatsimmi 2019-imi konto pingaarnermi 80.00.80 Aningaasat suliniutinik aallartitsinissamut sillimmatinut 20 mio. kr.-it immikkoortinneqarnikuupput, taakku aalajangiinissamut eqqortumik tunngaveqarnissaa siunertaralugu sanaartugassat aserfallatsaaliuinikkullu suliassat politikikkut pingaartinneqartut aallarniutaasumik pilersaarusiornissaannut aningaasaliissutit atugassanngortinneqarput. 2019-imi kontumut pingaarnermut matumunnga aningaasaliissutit ilinniartoqarfiit aamma ulloq unnuarlu paaqqinnittarfiit pilersaarusiornissaannut immikkut atorneqartussatut eqqarsaataapput. Siumup, Atassutip, Nunatta Qitornaasa, Inuit Ataqtigiit Demokraatillu 2019-mut aningaasanut inatsit pillugu isumaqatigiissutaat aallaavigalugu 2019-mut aningaasaliissutit immikkoortinneqarnikuupput, isumaqatigiissummi allassimavoq: "Aningaasanut inatsisissatut siunersuummi peqatigisaanik 2019-imi Saviminilerinermik Ilinniarfimmik nutaanik pilersaarusiornernerup aallartinnissaanut aningaasanik immikkoortitsisoqarpoq. Tamatumunnga nutaamik sanaartornerup Sisimiuni KTI-p ilaatut inissinneqarnissaa siunertaralugu, taamaalilluni suliatigut ilinniarfeqarfittut nukittuutut suli kivitsisoqarluni."

Tamatuma kingunerisaanik Saviminilerinermik Ilinniarfiup nutaap pilersaarusiornissaa pisariaqarpoq, Saviminilerinermik Ilinniarfiup Sisimiunut nuunnissaa pillugu inaarutaasumik aalajangiinissaq sioqqullugu.

2: Saviminilerinermik ilinniarfik Sisimiunut nuunneqassappat aningaasat qassit aningaasartuutigineqassappat?

Svar: Saviminilerinermik Ilinniarfik Nuummiittoq ukiuni pingasuni-tallimani piusinnaasoq ullumikkut nalilerneqarnikuuvoq taamaattumillu Naalakkersuisut siunniunnikuuaat nutaamik Saviminilerinermik Ilinniarfimmik sanaartortoqassasoq. Siunnersuisarfiup kukkunersuisarfiullu BDO-p tunuliaqutissatut nalunaarusiaminni "ilinniarfeqarfinnik sisamanik nuussineq" 2017-imeersumi taggippaat, nuussinermut atatillugu

Saviminilerinermik Ilinniarfimmik nutaamik sanaartorneq 139 mio. kr.-nik akeqassasoq. Taamaattoq pilersarusiornikkut aatsaat sukumiinerusumik sanaartortitsinissap akissaa naliliiffigineqarsinnaalissaaq, taamaattumik konto pingaarnermut 80.00.80-mut aningaasanik immikkoortitsisoqarnikuuvoq.

Tamatuma saniatigut BDO-p tunuliaqutissatut nalunaarusiaminni taggippaat, nuunnermi aamma suliunnaarnermi ajunngitsorsiassanut aningaasartuutit tamarmiusut 4,9 mio. kr.-iussasut. Aamma suliffiup (allaffimmi pequtit ilusilersugaaneq il.il.) nuunneqarneranut kiisalu IT-qarnermut isumaqatigiissutit, nittartakkap aamma oqarasuaatit allannortinnerinut atatillugu aningaasartuuteqartoqassaaq. Kalaallit Nunaannut tunngatillugu aningaasartuutit taama ittunik ulloq manna tikillugu naatsorsuusiortoqarnikuunngimmat, BDO-p tunuliaqutissatut nalunaarusiamini taggippaa, aningaasartuutaasussat 7 mio. kr.-it missaaniittussatut naatsorsuutigineqarnissaat pissusissamisussasooq. Suliffeqarfiup nuunneqarnissaanut aningaasat aalajangersimasumik amerlassuseqartut taggissinerup matussusiiffigaa. Suliap ingerlanerani aaliangiisoqassatillugu aaliangiisoqannginnermi sioqqutsilluni taggissineq nutarterneqartassaaq.

3: Saviminilerinermik ilinniarfik Sisimiuniissappat ilinniartunut qassinut ilinniarfissatut naatsorsuutigineqarpa?

Akissut: Ilinniartut 223-238-unissaat taggissaavoq. Tamatuma saniatigut ilinniartitaanerit imminnut assingusut Sisimiuni inissisimanerat ilinniartunik ilinniartitsisunillu pissarsiniartarnermut pitsaaqutaanissaat nalilerneqarpoq, naammassinnittarnerup procentianik qaffaaqataasinnaammat.

4: Siunissami takorloorneqarpa Sisimiuni maskinmesterinik ilinniartitsinerup ingerlanneqalernissaa?

Akissut: Naalakkersuisut naalakkersuisooqatigiinnissamut isumaqatigiissut 2018-imi "Nunarput – ineriartorfiusoq – tamanut inissaqartitsisoq"-mi anguniagassatut ilaatippaat "nunatsinni teknikkikkut Sisimiuni ilinniarfik nukittorsarneqassaaq teknikkikkut ilinniartitaanerit ingerlaqqiffiusut ilinniarneqarsinnaanngorlugit, soorlu maskinmesterit ilinniartitaaneq aallartinneqassaaq". Naalakkersuisut Ilinniartitaanerit pilersaarutaat II 2018 aqutugalugu, Sisimiuni maskinmesterit ilinniartitaanerup pilersinneqarnissaa Naalakkersuisut anguniarpat. Iliuusissatut pilersaarut Ilinniartitaanerit pilersaarut II 2019 upernaap ingerlanerani saqqummersinneqassasoq Naalakkersuisut naatsorsuutigaat, tassani maskinmesterit ilinniartitaanerup pilersinneqarnissaa pillugu anguniakkat nutarterneqarsimasut nassuiarneqassallutik.

5: Ilinniartoqarfeqassutsikkut nutaaliornissamut inissisimaneq eqqarsaatigalugunaalakkersuisoqarfiit siunissami ukiuni tulliuuttuni qulini Sisimiuni qanoq pilersaaruteqarpat?

Akissut: Oqaatigineqareersutut Ilinniartitaanerit pilersaarut II, iliuusissatut pilersaarutaasooq, ukiut tamaasa Naalakkersuisunit saqqummiunneqartarpoq, tassani imaritinneqartarput suliniutit ukiut tulliini aallartinneqartussatut kissaatigineqartut.

Taamaattumik inuussutissarsiutinik ilinniartitaanermik suliassaqarfiup inerisarneqarnera malillugu ilinniartitaanermut pilersaarut II, Naalakkersuisut innersuukkumavaat.

Inussiarnersumik inuulluaqqusillunga


Ane Lone Bagger